

SARS e tlo thusa beng ba mesebetsi le mekga ya boraro e fanang ka deitha ho fana ka ditsebahatso tse nepahetseng

Tshwane, 21 Mmesa 2026 – Ditshebeletso tsa Lekgetho tsa Afrika Borwa (SARS) ho bapa le maikemisetso a tsona a mawala a ho fana ka tlhakisetsa le nnetefaletso le ho etsa hore dintho di be bonolo le bobebe bakeng sa balefalekgetho ha ba buisana le mokgatlo ka ho thusa beng bohle ba mesebetsi mmoho le bafani ba deitha ba mekga ya boraro hore ba ntlafatse ditsebahatso tsa bona tsa deitha. Nako ya nyehelo bakeng sa ditheo tsena haesale e qala ka la 1 Mmesa 2026 ho leba ho la 31 Motsheanong 2026.

Ka tlwaelo, haesale tsepamo e le hodima sehla sa ho faela sa batho ka bomong, le ha ho le jwalo, motjha wa bohlokwa o betlang tsela ya ho faela bakeng sa balefalekgetho ka bonnosi ba bona hore e be e thellang feela kapa e be e boima, ho sa natswe hore ke ka lebaka la dihlahlobo tsa othomathike tse nepahetseng na, ditlitlebo tse mmalwa, dingangisano tse mmalwa, tsena tsohle di itshetlehile hodima nako ya nyehelo ya beng ba mesebetsi mmoho le ho bafani ba deitha ba mekga ya boraro. Nako ena e etsahala selemo ka seng ho tloha ka la 01 Mmesa ho isa ho la 31 Motsheanong mme e hloka hore bafani ba deitha ba mekga ya boraro ba tshepetsweng sena ba fane ka deitha ya tsa meputso le ya tsa ditjhelete ho balefalekgetho ka bonnoisi ba bona pele sehla sa lekgetho sa selemo pele ho sena se qala (01 Tihakubele 2025 – 28 Hlakola 2026).

Bafani ba deitha ba mekga ya boraro ba lokela ho fana ka deitha ya mekga ya boraro e akaretang beng bohle ba mesebetsi, ditheo tsa ditjhelete, ditheo tse tjhaetsweng monwana ke SARS tsa karolo ya 18A, mekgatlo ya boikopanyi, dikema tsa kalafo mmoho le Dithraste, hara tse ding. Lenane le felletseng la bafani ba deitha ba mekga ya boraro ba tshepetsweng ho nyehelana ka tsena le fumaneha mona [Third Party Data submission at a glance | South African Revenue Service](#).

SARS e itshetlehile hodima beng ba mesebetsi le ho bafani ba deitha ba mekga ya boraro ho kenya lesedi le ho hlahloba ka tsela ya othomathike dikgutliso tsa balefalekgetho ka bomong ba bona mme sena se tla kgontsha molefalekgetho ho tiisa dintlha tse kgutlisong ya hae ya lekgetho pele a nyehela. Ho kenngwa ha lesedi la mekga ya boraro ke mohato wa pele wa hore SARS e kgone ho hlahloba ka tsela ya othomathike balefalekgetho ba ka bang 6 million selemo le selemo.

Ho se nyehelwe kapa nyehelo e fosahetseng ya deitha ka mekga ya boraro e ba le kgahlamelo e mpe hodima balefalekgetho hobane ha e be karolo ya motjha ona wa hlahlobo ya othomathike. Ha deitha ya mekga ya boraro e nyehetswe ka nepo le ka nako, balefalekgetho ba ka hlahlojwa ka tsela ya othomathike, mme sena se ba nolofaletse ho faela. Kahoo, ho bohlokwa hore beng ba mesebetsi le mekga ya boraro e fanang ka deitha ba fane ka lesedi le nepahetseng le ka nako.

SARS e hlokometse hore ba bang ba beng ba mesebetsi le mekga ya boraro e fanang ka deitha ba bonahala ba sa tsebe boitlamo bona ba bona ba ho tlaleha mme ha ba so lokise dintho hore ba tsebe ho ikamahanya le diphetoho tsena tse dulang di fetoha tsa molao. Ba bang ba beng ba mesebetsi le mekga ya boraro e fanang ka deitha ba emela metsotso ya ho qetela ho fana ka lesedi le hlokehang, mme sena ka dinako tse ding se thatafatsa tsela ya ho rarolla diposo tsa deitha eo ho fanweng ka yona.

Ka nako ya sehla sa ho faela sa 2025 sa batho ka bomong, deitha e sa fellang e bakile hore ho be le dinnetefatso tsena tse latelang:

1. Ho bile le dinnetefatso tse 27 436 ka lebaka la dikabelo tsa pehomejafatshe tse siyo kapa tse sa nyalaneng
2. Ho bile le dinnetefatso tse 81 588 ka lebaka la deitha e siyo kapa e sa nyalaneng ho IRP5 ya beng ba mesebetsi
3. Ho bile le dinnetefatso tse 16 819 ka lebaka la deitha ya kalafo e siyo kapa e sa nyalaneng

Bakeng sa sehla sa ho faela sa 2026, SARS e ikemiseditse ho fetola boitshwaro bona ka ho nnetefatsa hore beng ba mesebetsi le mekga ya boraro e fanang ka deitha ba loketse sehla le pele se qala le ho etsa hore ba nehelana ka tsena e sa le ka nako hona le dilemo tse ho feta. Ho tla be le diseshene tsa setekgenike moo ditsebi tsa SARS di tlang ho thusa ka dinyehelo tsena.

SARS e ipiletsa ho mekga ya boraro e fanang ka deitha ho sebedisa dikanale tse tjhaetsweng monwana tsa SARS, e leng:

- eFiling, mme ho hlokomelwe hore kanale ena e na le mothamo o lekaneng ditifikeiti tse 25 feela. E kgona ho amohela ditifikeiti tse mashome a mahlano tsa IT3(d) le IT3(t)
- Connect Direct® e amohela mothamo o se nang moedi ba dinyehelo tsa deitha
- Secured File Gateway (HTTPS) e ananela difaele tse nnyane tse sa feteng 10 MB
- e@syfile™: Beng ba mesebetsi, ditsebi tsa lekgetho mmoho le balaodi ba tsa meputso ba ka rwalla mofuta o motjha le o ntlafaditsweng e@syfile™ Employer ho tswa websaeteng ya eFiling ho www.sarsefiling.co.za pele ba fana ka ditsebahatso tsa bona.

Mekga ya boraro e fanang ka deitha e tlameha ho ingodisetsa eFiling hore dikanale tsena di tsebe ho sebetsa ebang ba eso etse jwalo.

Tataiso e nngwe e ka fumanwa ditlhalosong tsa ditlhoko tsa kgwebo (BRS) mmoho le ditataisong tsa basebedisi tse websaeteng ya SARS ho [IT3 Data Submission | South African Revenue Service](#). Beng ba mesebetsi ba ka lekola [Annual Employer Declaration process](#).

Ho fumana lesedi le fetang lena, ka kopo ikopanye le SARSMedia@sars.gov.za